

栗香五筆

粟香五筆卷二

毘陵後七子詩詞八條
茗柯詩

比屋聯吟圖題詞五條
談雲西孝廉

陸姚詩詞
任筱沅中丞三條

董子中司馬
管才叔學博三條

錢鶴岑孝廉
謝養田茂才

囊存詩草
陳叔明齋尹

莊性初明經二條
竹嬾山房稿

史岑賓上舍

家惠生茂才

謝夢葭茂才

粟香五筆卷二

江陰 金武祥 滄生

毘陵後七才子詩詞八條

嘉道間吾常知名之士推吳頡鴻嘉之莊縉度眉叔
趙申嘉芸西周儀顥叔程陸容新芙徐廷華子麟汪
士進逸雲爲毘陵後七才子新芙又字芙卿爲文絕
麗七子中最爲淪落不偶子麟縣學生遇亦淹蹇晚
歲客死武昌瞿賡甫觀察爲梓其一規八棱硯齋稿

嘉之初名鴻謨又字笛江道光十三年進士山西崞
縣知縣有荃石居類鈔九卷詩詞駢文皆其自定光
緒庚寅其子晉壬太守重刊之余所見後七子所遺
詩文吳徐二稿之外蓋僅有存者近得逸雲孝廉詩
文數冊逸雲名士進道光二十三年舉人所著鬢雲
軒詞二卷同治間爲其門人蒯士薌廉訪刊行詩有
采真精舍集未梓五古規模魏晉七古嶽奇磊落似
元遺山律體亦雅秀僅二三百首贈徐子麟云龍泉

太阿不嘗有怪底風塵劍氣沖牛斗雄鳴三匝飛電
光直斬奔鯨夜中吼子麟子麟人中豪奇氣拂拂生
眉梢春風二三月來往花驄騎吳姬髮齊額紅樓遙
指朱箔高翠霧簇簇香雲翹金甌碧簞連春宵飲酣
脫下青錦袍有時匹馬來東皋明月隱隱風蕭蕭君
不見茝蘭摧折空山裏平原大道生荆杞驂騑奔鬻
困鹽車駑駘十萬皆肥死我今善歌復善哭淺醉狂
吟淚如粟楊柳扁帆弔暮雲疏烟細雨悲清角絳燭

東坡全集卷之十一
初燒炬未殘短簫頻放聲彌促南望瀟湘流帝子泣
兮令人愁東望羅浮山美人去兮何時還亂霞慙落
不可見我心惻愴凋青顏噫吁嘻仕宦不慕執金吾
世人誰識孫伯符丈夫不能擊劍飲醕酒讀書萬卷
胡爲乎錦筵月未午傾倒黃金罍豪絲激竹難爲聽
幸有曲苑招新晴梅花水生黃鸝曉鳴露草流螢翠
竹飛霰方池細石泉泠泠四時佳興亦殊絕可以酌
酒吹銀笙酌酒白玉瓶吹笙綠雲扇汪郎自有桃花

飯猶餘懸榻待君情
子夜歌云驚起鴛鴦眠
飛飛浴波面
雄雌妾不知
雙棲君所見
杜宇向儂啼
苦勸儂歸去
牽郎試相問
儂歸更何處
心思如車輪
日日千回轉
守妾心底痕
郎來驗深淺
送家兄重赴東粵云
大庾峯前月清光
萬里來玉鞭山下指
重覓舊時梅別夢
和烟散離懷
入晚催川原迷遠樹
空有暮雲回寄繆元庵云
鴻雁聲稀玉漏沈
高樓簾箔曉寒侵
春風未踐桃花約
紅粉能消俠士心
剪燭空宵悲舊雨

遙山無夢托孤琴，依人空有天涯淚。零露濃，霜漸不
禁花朝得。徐子陵書云：細雨寒烟，漾酒旗不堪重唱
雪兒詞。愁來楊柳尋君日，春在梨花入夢時。湖上陰
晴空賦別江南風景，正相思。折梅何處逢人寄，好趁
歸鴻寄一枝。落花重有感云：花底清簫，月底觴春風
吹出綠雲鄉。直從天上都成夢，始信人間有斷腸。細
草愁烟，縈別院落霞微。雨過橫塘，殷勤低祝孤飛燕。
好傍年年舊畫梁，自彭城至荏平道中云：暮影蒼蒼

遠岫橫鈴聲催夢夜頻驚濃烟細雨桐花驛纔過江
南第一程笠影鞭絲不暫停雙輪細碾草猶青幾家
茅屋團圞話可耐行人駐馬聽隔院徐聞響珮環緩
歌低舞趁鴉鬢綠笙纔罷移銀炬細寫紅名喚阿蠻
金陵雜詩云蘆荻蕭蕭兩岸秋斜風吹送秣陵舟謝
家明月盧家燕留與年時話舊愁蔣山蕭瑟夕陽遲
白水橋梁憶舊詞何處箜篌彈夜曲青溪明月小姑
祠秋風空悵桓伊笛衰草全迷江令居惟有堤前萬

楊柳荒烟冷雨六朝餘斷句五言云結客誇少年何
以持令名天心亮難測民瘼宜勤知七言云始知穩
住江鄉好漸覺年來道路難尙有名心思捧檄盡除
奇氣爲依人挑菜時逢三日雨踏青人愛六朝山落
花云夢爲遠別尋千里月不長圓到五更金粉已消
三楚恨別離算是一春多一樣春風開且落此中恩
怨未分明

吳嘉之題汪逸雲巖雲軒詩稿云十二萬年天地死

碧落長傾飛海水，驀然一氣盤當中。下結八垓上九
重在天，爲雷爲電爲雲風。在地爲江爲漢，爲恆嵩於
人爲忠爲孝垂之萬萬古。爲詞爲翰發語驚鴻濛蒼
蒼茫茫杳不知其初終，皆以此氣參贊乾坤功偉哉。
汪逸雲卓犖人中傑，長身如鶴骨如鐵。滄桑可枯氣
不折，探囊示我一卷詩濡染大筆何淋漓。用唐
胡蝶落芳草，矯如饑鷹拂雲表。條如浙江八月十八
潮，轟霆挾雨呼霜飈。我昔朝登采石太白樓，峰巒我

倩雙眸收我昔夜登金山孤塔頂袖挹海門濤萬頃
今日我讀逸雲詩卷中如見舊游歷歷江山影我思
宣尼刪詩僅存三百章以氣壽世生光鏗厥後漢魏
南北樂歌作青琳玉簡鳴鏗鏘彼蒼若謂少奇氣長
庚下謫來天閭上帝有言不能達乃倩青蓮之筆代
寫詞琅琅以外作者紛何多鉤心嘔血相追摩少陵
非天才髯蘇詩之魔元白不可頌清廟黃陸不可歌
高歌非無篇什少真氣加以歌童舞女荏弱揮天戈

我輩胡爲困巖穴萬仞丹梯不能越一丸天付耿耿
心更潑千升老蛟血不知此心此血爲誰熱但覺此
氣可生可殺不可滅相與嘯清風攬明月驚起千年
老魅啾啾向人泣秦岱松露胡溟濛河流終古胡洶
洶天地付我以浩氣山川蕩我以心胸聞雞起舞天
光朦朧拂拭長劍摩娑青銅君不見景星燦燦天門
東五色雲氣從蒼龍與君高捧扶桑紅尙以此氣贊
翊乾坤功又不見赤城辣雨飛秋空緱山鶴唳豐山

鐘與君手持綠玉肩芙蓉亦以此氣歌咏乾坤功此
詩太放故其自定稿刪去今錄之以見少年涉筆已
是兀傲不羣

莊眉叔贈逸雲詩云桃花潭水唱踏歌花紅洗作胭
脂多汪倫醉我花下酒圓掛花枝月如斗巫山之南
白玉京芙蓉十丈開金屏碧城夜夜吹玉笙美人一
笑千黃金青鸞碧鳳春不鳴玉絃之琴三兩聲鏗鏗
鏘鏘開君洞房珊瑚作柱玫瑰作梁琉璃栴浮琥珀

光珍珠百琲懸華堂翡翠之羽搖明璫青榆之花錦
繡裳十洲九島樂未央金狻寶鼎歎奇香銀河種蓮
花碧海棲鴛鴦明星大如瓜一醉三千觴贈君長歌
興莫豪俛仰身世空牢騷古來聖賢一一皆寂寥但
見山邱之外一坏墳土黃而高屈原沈江李白死太
息君今少知己人生行樂須及時長江不斷東流水
我今與君同少年大笑手拍洪厓肩羅浮仙蝶大於
席金鬚翠羽來翩翩君不見匡廬之峰高接天桐江

之水鳴濺濺與君相期志莫遷縱不卿相須神仙

眉叔名縉度道光十六年進士由戶部主事出爲河
工同知浮沈薄宦未竟其用余得其伽林集詩十七
卷觀其自序爲二十五歲以前所作凡三千餘首刪
存四百三十二首可以知其陶鍊之深蓋得金荃之
韻玉谿之豔者懊懣曲云郎情似明月昨日團圓今
已缺妾心比明鏡昨日紅顏今白髮月果似郎情缺
時猶望圓時明鏡果比妾心白髮安得紅顏生月不

有缺時誰知月圓好髮不有白時誰惜紅顏老雲溪
觀新漲邀趙孝廉作云小樓昨夜燈花語明日濃烟
作秋雨我今攜酒來訪君一朵白雲衣上吐秋雲陰
陰綠一城溪頭時間出水聲君家門前老楊樹枯腹
常帶蛟龍腥葛仙里畔斜陽路照影秋波斷人渡玉
梅橋邊買舟去三尺鯉魚飛上樹簾鉤曲云卅六開
房冷于水紅鳧抱香飛不起丁冬碎玉靜催詩半鉤
長住斜陽裏珊瑚如枝瘦壓春簾衣斜掛凝芳塵蛛

絲微黃蟾鏡白碧桃吹夢長于人小苑秋苔慘無色
眉痕剛好初三月玉欄杆外人不眠涼露絲絲撲燈
滅懷丁頌生嘉葆云明月一千里美人胡不來梅花
好樓閣楊柳舊池臺錦瑟長于我銀奩冷不開何時
共攜手清影一袞裒同李心咳丈游隱仙庵訪六朝
古梅云我有梅花句相思欲贈君江南千樹雪古寺
六朝雲花約仙人隱香宜古佛熏蘭房化秋月長照
夢三分洞神宮訪江總持故宅云烏咽清溪水江頭

浣白沙敗牆巢鬼蝶古樹集神鴉石引牽牛草窗明
朱雀花後庭歌舞散冷月不能華白桃花云月影如
潮露氣收斷紅心事在簾鉤美人病起休開鏡燕子
春深懶下樓芳草不堪重問路梅花猶有未消愁石
苔露井闌干冷淺碧光陰泣畫篝白門紀游示汪山
人云離懷別緒亂於絲賸有餘情付酒卮秋水夕陽
紅板渡畫船烟柳白門詩松寮塵暗無人到竹逕雲
歸有鶴知別後汪郎莫怙悵春來潭水費相思落葉

云金井鴉啼捲玉鉤故園和雨易敲愁酒醒莫蹋西
風寺客裏休登夕照樓蒼蘚尙描荒榭影白雲爭補
亂山秋洞庭波闊瀟湘冷幾處蕭蕭下客舟僑寓澄
江云一葉蒲帆送我行橫泥港口桔槔聲蘆溪野鴨
水邊語明日秋陰綠滿城撈蝦渡口一燈青帆脚時
搖水岸星三寸銀鱗白于雪落潮風裏浪花腥門枕
湖流白板扉酒家燈影見青旂銀河涼得人無奈時
有秋蚊飛上衣愁怯雞缸燭影孤銀雲自搦暮秋圖

宵來雨打殘荷葉好夢一房如碎珠北原訪菊云人
歸新礪起秋雲一水通橋路不分鴨脚樹青烏柏黑
夕陽紅到卜家墳荒畦幾日守清寒插鬢花枝帶笑
看欲醉枯腸作秋夢小村新酒木瓜酸斷句五言云
鳥夢落巢底一碎無覓處新月來窺人照見夢痕綠
沙暖眠花鴨村深聞竹雞綠苔名士硯黃葉酒人鱸
七言云櫓聲似雁呼殘夢帆影如潮飽夕陽未圓明
月消魂候初放花枝入夢時亂峯疑踏夕陽去客夢

欲隨潮水生皆有韻致

眉叔尤工長短句有黃雁山人詞稿四卷顧蕪塘贊
曰洞簫飄揚碧笙幽咽鶯脰秋波蛾眉古月芳草入
性奇花初胎玉人天際靈光徘徊可以想其詞境有
癸巳初夏小住涇川將作皖江之游汪君小坡餞於
蕉華吟館席間有感倚金縷曲調凡四疊韻皆極淒
警錄其再疊云玉柱悵悵語是何人織縑成匹縑絲
成縷儂有閒愁千萬種種都非自主休戀著江干

飛絮羈鳳漂鸞天半唳并無多枳棘棲身處黃竹涼
冷如雨 曇雲一霎罡風誤恁無端揚州跨鶴仙山
騎虎摘得青梅雙蒂小中有人兒心苦應蹙損幾家
眉嫵庭外游絲窗外柳一條條也算春歸路誰解惜
采旛護他如生查子云玉骨賦梅花詩稿無人見喜
伺阿嬈眠夜洗琉璃硯 密意倩誰傳十幅焚黃絹
心裏葬春多和酒同灰嚙是能以樂府作詞者古雋
處一掃豔冶之氣惜未能取其全集並刻之也

芸酉廣文爲嘉慶丙子舉人甌北先生孫也舊梓有詩詞稿經亂不全趙氏譜內載詩二十餘首蒼松篇

呈松相國云

道光二年三月作

蒼松如龍一千尺天矯直欲

騰高天能作霖雨潤百物濤聲倒捲傾流泉艱難身世飽霜雪獨扶元氣全貞堅瀛海瞳矐升旭日托根恰在扶桑側眈隨凡卉爭春妍誓以危柯表孤直勁節能回天地心濃陰常護雲山色大厦終資棟梁器清時不少滋培力渥邀厚澤承丹露自向遙空感知

遇偃蓋蟠株倍激昂平鱗鏟甲何疑懼檣櫟無才轉
自全桑榆欲守終成誤幸逢景卿治化昌仍依雲牖
延休祥古幹猶能屈金鐵後凋況未遭斧戕千載蔽
芾同甘棠莫作飄零大樹傷壬辰楚游秋興云楚尾
吳頭去復還疆沾濁酒醉辱顏贈行衰柳猶堪折入
世勞薪未得聞天末風濤三峽雨望中草木八公山
倚檣屢讀英雄記莽莽川原夕照殷何處吹來玉笛
聲晴川芳草異鄉情登樓我欲招王粲弔古誰同哭

禍衡收拾見聞歸退筆折除富貴是浮名胸中塊磊
銷難盡醉寫詩謠索客評還朝袞繡雁鴻飛首路干
旌露未晞獨拜寵榮誇畫錦可無忠盡慰 宵衣謗
書一篋中山去裝橐千金粵海歸努力松雲逢際會
旂常鐘鼎有光輝客裏愁多腰帶寬一城砧杵覺宵
寒浮鞆混入三游易生計真如百戰難漸老鬢鬚愁
對鏡恐消髀肉戀征鞍北行轉得南旋便暫把吳鉤
燈下看共十四首僅錄其四云

周叔程孝廉題徐傅兼大令所獲號季子白寶盤七
古云寶盤寶盤世所無塵封土蝕胡爲乎道旁飲馬
依榛蕪自分淪落歸泥塗豈知仙令飛雙鳧風塵相
賞載後車摩娑拂拭同球圖陸離光怪百不如此盤
鑄自東周初用錫號君藏幽墟銘詞安雅比典謨蚪
文虬篆紛縈紆賜弓賜矢兼賜弧薄伐獫狁伏厥辜
旂常勳伐威邊隅寶盤世守如金符柴桑新栽柳五
株晴翠掩映輝天衢節堅金石恬且愉異彩煥發射

斗樞山鸞招邀海鶴呼對茲寶器長相娛其詩僅見
此首叔程之兄伯恬大令名儀暉有夫椒山館詩會
梓行於世縣志稱叔程文譽晚出竟亞其兄陸邠生
先生詩云屈指江鄉七子才詩名一昔走春雷翻愁
五鳳樓成後壓倒難兄百寶臺爲前輩稱重如此
陸芙卿詩文鮮有存者惟丁杏舫詞綜補稱其有巢
睫詞錄存九首蝶戀花云小鳳盈盈年十五不解憐
人便是憐人處珠箔飄燈人自去綠楊影裏家家雨

花影如潮流不住春老鶯酣愁向眉峰聚待約湔
裊芳草渡愁過昨夜秋千路木蘭花慢游絲云是誰
從空際把殘錦撚成絲好綰住花魂牽回蝶夢纏就
鶯癡收將十分春色只憑他一縷繫相思怪底似無
還有幾番欲卽仍離 淒迷絮影太紛披休道不如
伊儘香篆低縈簾波徐颺沒箇人知漫猜天孫織罷
浣雲綃誤漾出天池祇恐柔情易斷好風且莫輕吹

茗柯詩

武進張皋文編脩惠言以經術文章名刊有經學叢書十餘種及茗柯文四編惟詩無傳本近得其古體詩十二首皆應酬之作非所愜意也爰錄存二首以補其闕宜山令歌題楊右侯遺照云四座且勿喧聽我歌宜山宜山在何許乃在百粵間戶雜猺獠人民頑耕作不事事剽劫有田在草誰能芟深林何叢叢猛虎晝嘯來腥風吏能殺人不殺虎虎公食人人敢怒宜山令來幾時麥隴四郊青滿畦昔聞合穎今見

兩岐有虎食六畜令言罪當笞吏被符驅虎來杖之
階下兩足前跪耳帖垂宜山民昔何愚獷今何馴宜
山虎昔何咆哮今伏處乃知政化不擇地蠻徼夷荒
盡鄒魯潯之水悠悠上有千盤山令惠在民民思不
得間播以圖畫青若丹宜山令亦有孫寶君圖述君
仁用詰邦刑刑罔冤後來者誰拜君顏千載爲吏德
可傳宜山令孰與儔姓者楊字右侯倪韭瓶同年五
十壽詩云大雷岸頭有倪生長鬣一尺雙瞳青讀書

往往追許鄭一字考校窮諸經拄牀撐屋盡積卷古
金樂石紛縱橫尤有癖嗜古莫比考論刀布搜泉名
高陽之金太公貨肉好分寸詳模形乾隆年間歲壬
癸與君聯袂遊春明四門博士飯不足三載共食盤
盂傾君時蓄泉苦汲汲日走街市無時停徘徊常使
僮僕笑驅遣每令兒童爭歸來一一書作譜商文稚
字如涓涇相如獻賦苦未成五斗薄祿何足營飄然
拂袂歸江汀余亦遯跡窮南征長安三月花冥冥六

年重見世事更龍門老樹枝還榮人生得失浮雲輕
巢父掉頭入東溟高氣令我心神清題君泉譜送君
去鴻鵠寥廓高天晶君之生辰我同物招搖在子維
周正每逢初度憶前事學舍朝旭輝窗櫺到來一笑
互相壽閒處歲月殊安甯要我同歸結鄰里菜甲正
熟滄吳杭年年此日一樽共江海浩蕩尋鷗盟卽今
君年已五十我亦四十明年丁買山何時計迂遠有
田羨爾真歸耕北風悠悠南雁鳴作詩遠將介兜觥

明年遲我汎舟去同折梅花江上行

比屋聯吟圖題詞五條

張仲遠觀察傳有比屋聯吟圖錢塘沈湘佩女史善寶題壺中天詞有序云仲遠大令暨德配包孟儀夫人令媿性均孝友與叔姊婉紉季姊若綺兩夫人伉儷同居家政悉咨叔姊遵尊甫翰風先生遺命也兩夫人善詩古文詞婉紉夫人尤喜作擘窠大字孟儀夫人嗜文學工漢隸姑姊切磋交相愛敬姊壻孫叔

獻王季旭兩先生皆抱經濟文章之士大令才兼三
絕相與商榷古今嘯歌風月情義如昆弟焉其中表
妹湯碧痕女史嘉名爲繪比屋聯吟圖詞云蘭姨瓊
姊喜仙鄉共住團圓骨月阿弟多才夫壻正萬卷奇
書同讀秋月宵澄春花晨豔消受清閒福劉樊趙管
人間無此雍睦 更憐繞屋扶疏樹皆交讓玉筍抽
叢竹相約臨池邀覓句無間雨風寒燠花萼交輝鴛
鴦比翼樂事天倫足重逢官舍傷心偏少徐淑時仲

夏者王筆 卷二
遠將宰武昌孟儀夫人已逝世云嗚呼近世鄙俗頽
風兄弟之怡怡一室者已不多覲况姊弟三姓同居
歡聚於十數載哉觀圖中姊媚題圖之作其家門之
孝友閨闈之風雅均有足傳者故備錄於後

婉紉名綸英適同邑孫叔獻有綠槐書屋詩集最工
五言尤善書有題圖五古四首其一云吾生四十五
鬢髮已衰白人壽能幾何俯仰慨今昔少日賦于歸
庭闈苦相隔中年悲風木悽愴無所適幸得同懷誼

相攜免顛蹶十載比屋居歌詠樂朝夕良人夙耿介
生理日艱澀簞瓢愜素懷閉戶窮典冊得爲太平民
薇藿甘鼎食豈無致身願時命安可易秋風入東籬
叢菊有佳色濁膠可斟酌同室多嘉客悠悠天地間
爲歡亦無極其二云我昔甯父母驅車至陶邱趨庭
樂且耽聯袂相賡酬高堂顧之喜謂可忘吾憂卜宅
命同居承歡永優游一朝痛虞淵急景不可留全家
返故里入門淚盈眸堂厦何巍峩房櫳亦清幽經營

及家具一一皆詳周緬懷構締艱晏處增吾愁忍憶
屬纊時叮嚀語難休汝弟體孱弱媚性亦婉柔多難
恐未堪緩急誰爲籌汝宜善扶持內政夙所優忽忽
已十年門戶幸無尤所嗟迫貧病筋力漸已道式好
世所希悠哉卒歲謀庶幾勤夙夜勿貽先訓訖其三
云吾弟秉殊姿才藝乃其末蒼生納懷抱赤子性不
失肫肫同氣情宛宛切肌骨孩提洎弱冠誠慤如一
日古來賢達人內行必修飭委身佐良時盛業庶可

必奈何慨數奇伏處難奮發覓食走四方馳驅精力
竭歸來抱貞疾三載臥蓬室清貧已習慣聚首劇歡
悅翰墨相與娛簡篇資論說病骨雖支離浩氣困猶
激良材天所佑勿藥卜終吉焉知非疾疢葆此後凋
質漫遊亦何爲閉門聊自逸其四云吾兄及仲姊九
京渺難追伯姊復遠適迢遙處京師歡聚雖已樂念
之各心悲雁行慨中斷荆樹嗟分枝尺書千里來苦
道長相思詩篇多感喟讀之涕淚滋死者不可回生

者尙遠離百年何所慕
睽合豈有時安得共一堂
形影長相隨往日徒惋惜
爲歡當及茲申言寄燕
臺何時卜歸期畫圖應更作
相與吟新詩

若綺名紈英適太倉王季旭有題圖五律五首其一
云從宦依官舍言歸共草堂
親恩眞罔極友愛豈尋常
感激思遺命艱難幸故鄉
願堅千世約子姓莫輕忘
其二云式好皆兄弟居然花萼樓
酒中堪小隱門內各千秋
景隔疏燈靜簾垂紙閣幽
會心能避俗休

問五湖舟其三云遠客歸茅屋幽懷托素琴

乙亥春弟歸自

京師夫子歸自浙江

風塵偏悵別骨肉況知音一室欣重聚頻

年費苦吟愁心猶北望千里暮雲深

謂孟緹姊

其四云佳

耦推吾弟秦徐合並傳文章驚海國

弟有海外交

風味入

林泉玉汝宜貧賤爭輝式後先臨池有至樂相對日

探研其五云三五中宵月聯吟靜掩關清輝猶昔日

舊夢憶東山安得雙親在應開一笑顏披圖增慨歎

衿袖淚痕斑若綺有餐楓館文集鄰雲友月之居詩

集

仲遠伯姊孟緹名縉英適當熟吳偉卿刑部名廷鈇
隨宦京師寄詩題圖云尺素來良訊平安倘不誣沈
疴資上藥卻老勝靈符疾久神應瘁愁深氣轉紆形
容想憔悴精力迫憂虞積弱嗟童叟頻年困道塗依
居眞局促奔走慨瘖痛忽作殘冬別相攜百感俱衝
寒憐瘦鶚急驛敝鞍駒涼燠關魂夢星霜切髮膚長
塗誰護惜一病更清癯淹滯將經歲傍徨各一隅慰

情翻易課善禱問師巫戢翼同籠鳥纏心類網蛛目
曾千里斷喜逐一陽蘇妙詠通池草華年感髮鬢不
雕宜返璞小隱好懸壺意氣原輕俗文章祇自娛浩
歌追杜子著論準潛夫邱壑成高節冠裳付小儒暴
腮終變化逸翮必搏扶骨肉推真性門庭篤友于得
歸誠可樂聚首興難辜卜宅成先志傳家守舊模聯
吟還結社比屋已成圖清福償仙史間情傲釣徒法
書鍾衛後嘉耦孟梁輸獨客應憐我三荆羨合株十

年何契闊此日劇嗟吁往事傷淇水言旋賦載驅北
來惟贈鯉南返促啼鴟安得揮雙槳飄然泛五湖清
歡甯稍遜舊約永無渝薄願徒瞻望羈懷付嘯呼翔
風飛雪後梁月最模糊仲遠仲姊緯青名珊英適江
陰章氏早卒遺草無幾雋妙天成仲遠凡四姊皆名
重一時云

若綺之女王澗香名采蘋後有題圖七古一章云畫
中清景依然在轉眼滄桑人事改回首歡悰不可尋

把卷沈遠氣濕懷憶昔蘭陵比屋時棟華荆樹喜駢
枝百篇斗酒青蓮興一卷憂時杜老詩班左才華亦
殊絕玉臺各擅生花筆聯吟鎮日掩柴扉身外浮雲
忘得失最惜飢驅事遠遊天涯憔悴倦登樓征鴻千
里書難達春草池塘夢亦愁已恨頻年唱離別那堪
杜宇還啼血寶瑟聲寒湘水雲玉笙吹冷緱山月包孟
儀衿氏卒後孫叔獻姨丈師暨先君復相繼卒盡室從官到武昌忽忽哀樂
最神傷江山勝蹟宜圖畫華館春風護筆牀陶令高

懷最清逸分陰共惜深宵月一樣聯吟似昔時夢中
清淚常嗚咽變徵歌成泣鬼神離騷九辯意同論微
才欲續申情賦顧影難爲失怙人嬋娟環珮紗帷側
弄墨然脂永朝夕觴詠風流又一時高堂明鏡星星
白京國棲遲憶大姑謂孟緹從母雲山目斷正愁予何當
一櫂歸帆穩更寫聯吟第二圖澗香適無錫程伯厚
孝廉早卒無子晚景殊艱庚寅游粵年已六十餘復
題五古數十韻有云恍如返故居舊景在眼底花木

尙依然人去已數紀烈烈感飄風滔滔驚逝水云云
極俯仰今昔之感澗香姉媚凡四均多才皆母教也

談雲西孝廉

談雲西孝廉詞二卷其孫小蓮茂才出示鷓鴣天贈
歌者云眼底春光值幾錢鶯聲喚住夕陽天夕陽也
似人憔悴縱不黃昏亦可憐 嬌欲語淚潸然自言
冷落又年年兒家事事堪回顧不止當筵誤拂絃木
蘭花慢柳花云甚勾留不許花開已逐風飄算漢苑

新粧隋隄春色無分能消感他十分宛轉怎一絲繫
不上柔條從此天涯萬里誰憐去路迢遙者番離
別料應難分手便相拋道簾隙難留牆陰易墮情緒
無聊相思可能相見怕從今瘦損小蠻腰願作浮萍
貼水星星沾定歸橈

陸姚詩詞

陸文泉茂才初望曾遊李申耆先生之門後遭喪亂
轉徙關山戎馬間主吳竹莊方伯愛誦其秋水浸明

月遠山化白雲之句詞則豪放學蘇辛梓有懷白軒
稿十餘卷

姚文山明經名華國又字道輿庚子副貢介特不苟
其姊丈李雲生由關中延課其子有別里中詩云可
憐一紙關中聘捧向高堂當檄看亦可悲矣明經詩
詞僅于陸文泉懷白軒稿中附見數首其之關中陸
贈以金縷曲詞云別我西征矣算今番送君可感留
君無計束髮論交千百輩猶有斯人知己談抱負幾

回零涕今日怱怱分袂去怪愁心忿涌如流水隨短
棹幾千里 丈夫自有凌雲志又何妨呼牛呼馬應
之日唯此去風塵添閱歷指顧秦關百二更勒馬終
南睥睨磊塊縱教銷不得暢登臨也減思鄉意臨別
語莫忘記姚和韻云世味都嘗矣歎浮生雄飛雌伏
十年左計橐筆依人貧更賤誰是虞翻知己空對着
白雲零涕一例登場隨郭禿換宮商枉唱康浪水情
漠漠長安里 卑枝難託凌雲志任紛紛鳩嘲鷺笑

心非口唯修得羽毛鳴宛轉流品肯居第二我只解
抗音傲睨案有離騷樽有酒看千秋獨抱悲辛意清
淚墮吟箋記

任筱沅中丞三條

余乙亥重至江西任筱沅中丞時署江藩近年銜恤
里居屢晤於吳門蓋不相見者十八年矣中丞自廣
文至開府惟清與勤三十年如一日所至頌聲翕然
嘗舉宦轍所經之地記事編年成寄鷗館間吟若干

卷有云衡茅閨寂無車馬曳杖婆娑日涉園修竹搖
風青上榻遠山洗雨綠當門未妨澹泊從吾好早識
行藏有數存若問五湖垂釣叟扁舟已入武陵源又
云放眼曾觀東海日歸心不負北山雲齏鹽滋味貧
而樂泉石膏肓病亦仙可卽此見其進退自如矣

張宛鄰四女皆工詩詞孟緹女史工力尤至著有澹
菊軒集其女孫吳宛之夫人得其傳爲筱沅中丞繼
配有灌香草堂詩稿閨中唱和又合刻詞稿曰沅蘭

詞嘗繪退食聯吟圖一時傳爲佳話賀新涼詞云已
是傷離別更那堪風風雨雨助人淒切寶鼎香寒銀
燭暗遠夢迷離難覓聽破曉流鶯聲滑似說金門人
待漏負香衾一樣工愁絕身千里寸心折 天涯驛
使遲消息倚闌干腰支盈握祇應自惜三五良宵團
圓影相對可憐遙夕算只有啼痕凝碧目極蒼茫雲
樹外料鞭絲空裊斜陽陌魂銷處共誰說一往情深
有往復低徊之致

和工部秋興八首原韻錢牧齋集中最多筱沅中丞

伉儷均有和韻灌香草堂稿中又附有令子之駿集

唐和秋興韻則尤因難見巧矣詩云白下烏啼霜滿

林杜牧

秋來景物倍森森

李

吳宮花草埋幽徑

李

蕭寺

樓臺對夕陰

劉滄

風約亂雲歸隴首

釋道潛

角催明月出

波心

李

此時愁望情何限

杜牧

紅樹孤村遙夜磬

白居易

江燕雙雙五兩斜

溫庭筠

釣綸菱棹寄年華

溫庭筠

中霄

草木春霑澤

杜牧

滄海星辰夜掛槎

顧

瑛四面雲山誰作

主朱滿天明月卧吹笛李相思不見又經歲劉坐聽

蕭蕭蘆荻花白居易城郭蕭條隱夕暉劉洞庭橘柚早

霜微李願擣衣砧上江流急顧長笛聲中海月飛李白漢

苑蘼蕪秋已老韓倪楚天雲雨意多違朱灣故鄉自此扁

舟去顧瑛碧水鱸魚墜釣肥岑十載江城亂弈棋張北

風吹雁數聲悲李商但將醕酎酬佳節杜牧自古文章

論及時高啟庭樹不知人去盡岑塞鴻偏傍月飛馳柳中

庸年來胡騎紛紛在鄭谷九日尊前有所思李商林缺

青分隔岸山

王維

樓臺終日翠微間

李嶠

眼中歷盡三千

界錢起

枕上斜看百二關

李遠

一水碧羅裁繚繞

劉滄

萬峰

蒼玉刻孱顏

元稹

幾人圖在凌烟閣

張蠙

漫道官趨鴛鴦

班鄭谷

芳草斜陽古渡頭

羅隱

片帆長掛海門秋

郎士元

渠

通故道魚龍靜

皇甫冉

木落空山狼虎愁

李億

別浦暝時

迷遠樹

李嘉祐

荒烟斷處見飛鷗

韋莊

忘機漸喜逢人少

杜牧

暗算郵程隔數州

趙嘏

昨聞濟北奏奇功

張籍

蠻觸交

爭蝸角中

杜牧

牧馬悲嘶昏夜月

譚用之

旌旗夾道捲秋

風于良史

隴頭宿霧全翻黑

戎昱

江上殘霞幾縷紅

李咸用

不可久留豺虎亂

杜甫

桃源一棹訪漁翁

王維

湘流九曲

望逶迤

劉長卿

木落蕭蕭水下陂

盧綸

明月好同三徑夜

白居易

飛花猶繞萬年枝

錢起

黔中波浪連天湧

李

塞上

軍書旁午移

許渾

莫怪臨風倍惆悵

溫庭筠

紫宸高處曉

星垂

楊當

董子中司馬

陽湖董子中司馬名威有學宛堂詩稿曾在長沙以

詩就質於先君稱其五律最佳陵口云一棹蘭陵
口輕帆卸夕陽關山仍故國人語漸他鄉鐙火新村
落笳聲古戰場茫茫興廢感坏土認蕭梁駿馬云生
死真堪託馳驅爾最勤爲誰爭捷足幾輩策殊勳得
主甯辭瘁論才況絕羣九邊兵未息努力掃烟氛摘
句如江亭云潮生樊口白山入郢門青渡江云半帆
瓜步月一枕廣陵潮皆可誦也

管才叔學博三條

管才叔學博與其兄敬伯司馬同負盛名遺稿僅有
存者曩年瞿賡甫觀察寄示其祭亡婦文近得蜀中
留別詩其甥李經宜明經所鈔示也錄二首云何事
歸心忽浩然經年寄迹錦江邊倦遊難覓當醺醉高
隱曾無賣卜塵平野亂蕪秋未翦中天太白曉猶懸
可堪玉壘浮雲外多少遙峯欲化烟蒼松翠柏草堂
春要比當年卜築新四面雲山歸結構千秋花鳥見
精神可憐愛國忠君念僅在浮家泛宅人半世依籠

終潦倒

潦倒之潦他人皆用平聲惟杜詩用仄

先生前事足酸辛蓋入

西藏後東歸之作

才叔名樂昔何廉昉贈詩有竊比隆中君莫笑名成
定使古人愁之句後卒於揚州有某輓以聯云一生
負王佐才江左夷吾猶未老半世爲諸侯客揚州杜
牧竟銷魂皆切合其姓氏也

才叔善爲輓聯其輓曾文正云勳名爲曠代迄今所
稀衡嶽効靈鍾聖相感激在故吏門生而外江天灑

泣有孤寒輓陸子受觀察夫婦云仕宦所至有聲論
生平幼學壯行功名尤蹇子孫已貽之德視人世緣
空障盡夫婦皆仙輓趙朗甫太守云神術擅軒岐最
傷二豎初攫自知不起清班躋禁近翻恨一麾出守
未竟厥施又輓劉開生觀察云風誼溯平生於學無
所不窺既妙思六經逍遙百氏聲華傳絕域日歸正
當相見乃暫游萬里小別千年

錢鶴岑孝廉

錢鶴岑孝廉福孫舊與同寓白下有深沈之思而詩
極超逸近見其九峯閣望雪歌因於壬辰大雪時掉
舟訪之憩快雪軒登九峯閣詩境頗清絕也歌云朔
風怒號夜半絕萬籟無聲寒徹骨晨光射破琉璃窗
忽訝長空亂飛雪披裘登閣觀九峯九峯盡沒寒雲
中飢鴉叫樹飛不起千村萬落皓皓無人蹤天公憐
我端居了無味延我閣中看玉戲頽垣破瓦一一化
瑤琨幻出無數貝闕瓊樓絕奇異我閣高踞城之東

一夜變作水晶宮閣中書畫几案無故發光彩豁我
千里萬里之雙瞳四野漫漫與天接隨風撲窗亂重
疊是時滕六亦退聽任我指揮散作落花與胡蝶我
建高閣臨溪山一年一度惟此真歡顏蓬萊方丈太
寂寞我將招彼羣仙來此間開筵賦詩騁才思詩與
雪花飛滿紙掃卻惠連之賦郢中歌清光大來差可
喜袁安高卧何無聊騎驢覓句亦太勞何如坐我高
閣足四望乾坤一白歸吟毫狂吟未已風漸靜几硯

時飛鴉鵲影晴光一片天際來豁然現出九峯頂九
峯一色皆新妝翩如姑射仙人下大荒雪膚花貌素
霓裳對我欲笑我益狂願攜仙人入雲裏觀彼天工
之絕技山無雪兮容不奇我無雪兮興不起舉杯大
笑賀山靈山靈賀我新詩成天晴跨鶴遊太清更願
徧覽三千世界雪態何空明

謝養田茂才

余見九峯閣謝養田茂才祖芳題詩亦有清氣蓋鶴

岑之戚也嘗介鶴岑出示其寄雲閣詩稿渡江云漫
擬乘槎入斗牛東南形勢望中收白雲常護三山影
碧草空餘六代愁西去帆檣通楚蜀古來戎馬說孫
劉菽蘆聲裏秋如許滾滾長江日夜流斷句五言如
過約園云池草仍春色夕陽空鳥音山月吟云明月
幾圓缺青山自古今送仁錫姪之鄂云養親翻遠別
去國況殘年澄江云畫角臨江戍疏燈賣酒樓七言
如懷韋少涵云春風江上歸鴻少夜雨尊前別恨多

上巳得唐欽昭書云杜宇啼殘三月雨梨花落盡五
更風人日生辰云竹葉自斟人日酒梅花又報草堂
春贈吳冠英先生云歸田白髮干戈後老去青山杖
履邊雪後野眺云宿鳥歸飛千嶂雪疏鐘搖動一溪
雲四十自述云有志何須傷晚歲不才祇覺負明時
舟次云柳梢城郭遠還見花裏人家近卻迷

囊存詩草

劉心白名心瑤爲圃三先生曾孫有囊存詩草二卷

余爲序之辰州遊龍泉山寺云上方樓閣深清幽入
詩境日夕孤雲還天空遠山靜黃鶴樓云昔人乘鶴
去今人還獨登蒼茫千古恨落日大江橫省親關中
別故鄉親舊云茲行事定省乃與故人違淚灑江南
盡書來渭北遲波濤侵遠夢霜月冷新詩明日鄉關
道梅花應滿枝去秦遊楚云一家零落盡萬里獨長
征痛哭辭親墓遲回戀舊城雲中秦嶺險天末楚江
橫身世渾無定關河況甲兵春柳云垂柳今年似舊

年飛花撲地復粘天東風陌上情無那細雨橋邊春
可憐去馬嘶隨芳草路流鶯啼破夕陽烟幾回別恨
渾難縮一上高樓一惘然

陳叔明齋尹

今年陳叔明齋尹和余冰泉詞寄示所著玉獅堂傳
奇十種嗣談小蓮茂才和余冰泉詩亦以所撰孝娥
記傳奇相示孝娥記者以劉君心白所遇沈娥娥事
分演十六齣貞媛孝烈深情如繪心白先有長篇七

古紀之得此而愈足以垂不朽嘗謂詞曲小道而抑揚抗墜最足感人能以忠孝節義可喜可愕者譜入雜劇俾觀者有所激發則於世道人心亦大有關係耳

莊性初明經二條

莊性初明經善孫年逾六旬其嗣頌芬亦有聲庠序今春以詩見投並出示其古椿軒詩草及其尊人子惺先生惺惺齋詩又其族父仔珊孝廉警謙書屋遺

集蓋皆亂後掇拾殘賸而存者古椿軒思亡弟云不
復見吾弟怱怱兩度春青年悲永逝白首更誰親憫
汝生前志傷余亂後身兵戈猶滿眼撫事益酸辛秋
日云南國江山千古恨西風砧杵萬家愁壽族父苑
山明經云雅量久經忘得失傳人豈必在科名詠菊
云傲骨天成甘隱逸高懷霜冷耐淒涼其性情之超
曠亦可見矣

仔珊孝廉及子惺茂才皆湛深經術而詩亦跌宕警

謙遺集露筋祠夜泊云日落平沙渺去程長淮風起
暮潮生露筋祠下船初泊卧聽寒鴉噪月明惺惺齋
詩卽事云雨霽郊原喜乍晴前溪一帶荻花橫數聲
遠送驚寒雁似訴秋來作客情頌芬詩亦有家法江
干散步云小步循江岸東南一徑斜鐘聲青嶂度塔
影白雲遮石磴歸樵路柴扉處士家行行忘遠近數
里入烟霞

竹嬾山房稿

性初所居東坂與東坂相近者爲禮嘉橋有孫氏宋
孫仲益先生裔也近其裔笛舫明經清載有竹嬾山
房吟稿贈莊性初云前輩今凋謝斯文常在茲廉隅
爲上表風雅繼吾師謂尊甫子惺師花木含生意詩書繹舊
知芳徽欣屢接晏坐每移時

史芩賓上舍

史君芩賓名悠厚亂後客游甚久有才不遇山陽高
子一上徵君稱其荅客問文古質悲涼極人生之困苦

欽君之才又哀君之遇其贈五古有云從來耿介士
往往罹百憂况君丁喪亂禍變獨罕儔脫身戎馬間
還爲門戶謀宇宙旣榛梗觸事皆戈矛愆愾答客作
蕭瑟同悲秋心悲詞益苦志壯氣自遭豈曰不平鳴
聊代商聲謳云云嘗出示存稿多言當世得失詩所
存無多送姊氏歸東亭云又欽離家去相隨客夜愁
星因風不定月與水同流兄弟惟君在東西不自由
此行無計住何日放歸舟又斷句云澹月欲成霜情

景俱絕佳

家惠生茂才

家惠生茂才汝梅精於醫兼嗜吟詠有岐黃有術難
醫俗元白能詩只寫愁之句亦工填詞金縷曲重游
滬上感賦云夢醒篷窗曉驀抬頭樓臺金碧烟絲縈
繞回憶滄桑離亂後航海曾經假道正書劍風塵潦
倒夾道垂楊空裊娜任多情難挽行人棹思往事寸
腸攪而今鴻跡重尋到認橋邊舊時流水舊時斜

照壯歲年華愁裏過辜負風光多少還只是心情草
草十載江湖何所事算重來也被鶯花笑慚對酒綺
筵好高陽臺秋柳云撩亂抽絲顛狂攪絮一春那肯
消停借得輕風便須絆住行人如何轉眼長堤路送
斜陽賸此淒清更連番秋信頻催春夢纔醒 榮枯
畢竟尋常事但當時搖曳甯解飄零過盡繁華故應
憔悴而今涼颼冷雨憑消受也算他辛苦曾經請君
看松柏山頭依舊青青

謝夢葭茂才

武進謝夢葭茂才秉文幼穎悟弱冠遊庠累應京兆
試不遇卒於京邸其師湯秋史孝廉輓詩有已作龔
生天猶傳謝客吟之句今僅存剪紅軒稿一卷其姪
以知所輯存也懷友云風定霜初下月高星漸稀晚
鐘和漏斷孤鶴帶雲歸良夜憑誰遣故人與我違遙
憐賞音者同此思依依七言絕句云韶華誤我年年
易貧賤依人事事難久客情況讀之黯然